

বাংলাদেশ স্কাউটস এর গঠন ও নিয়ম
তৃতীয় অধ্যায়
আঞ্চলিক সংগঠন

৩৭। অঞ্চলসমূহ

- (ক) বাংলাদেশ স্কাউটসের কর্মসূচি সুষ্ঠুভাবে পরিচালনার জন্য দু'ধরনের আঞ্চলিক স্কাউটস থাকবেঃ (১) প্রশাসনিক বিভাগ/মাধ্যমিক ও উচ্চ মাধ্যমিক শিক্ষা বোর্ড ভিত্তিক অঞ্চল ও (২) বিশেষ অঞ্চল।
- (খ) প্রশাসনিক বিভাগ/মাধ্যমিক ও উচ্চ মাধ্যমিক শিক্ষা বোর্ড ভিত্তিক অঞ্চলগুলো হবেঃ :
- ১) বাংলাদেশ স্কাউটস, ঢাকা অঞ্চল
 - ২) বাংলাদেশ স্কাউটস, রাজশাহী অঞ্চল
 - ৩) বাংলাদেশ স্কাউটস, খুলনা অঞ্চল
 - ৪) বাংলাদেশ স্কাউটস, বরিশাল অঞ্চল
 - ৫) বাংলাদেশ স্কাউটস, সিলেট অঞ্চল
 - ৬) বাংলাদেশ স্কাউটস, কুমিল্লা অঞ্চল
 - ৭) বাংলাদেশ স্কাউটস, চট্টগ্রাম অঞ্চল
 - ৮) বাংলাদেশ স্কাউটস, দিনাজপুর অঞ্চল
 - ৯) বাংলাদেশ স্কাউটস, ময়মনসিংহ অঞ্চল*
- (গ) বিশেষ অঞ্চলগুলো হবে-(১) বাংলাদেশ স্কাউটস, রোভার অঞ্চল (২) বাংলাদেশ স্কাউটস, রেলওয়ে অঞ্চল (৩) বাংলাদেশ স্কাউটস, নৌ অঞ্চল (৪) বাংলাদেশ স্কাউটস, এয়ার অঞ্চল।
- (ঘ) সাংবিধানিক কাঠামোর দিক থেকে প্রশাসনিক বিভাগ/মাধ্যমিক ও উচ্চ মাধ্যমিক শিক্ষা বোর্ড ভিত্তিক অঞ্চলসমূহ হবে অভিন্ন ধরনের এবং বিশেষ অঞ্চলসমূহ হবে বিশেষ ধরনের।

৩৮। আঞ্চলিক উপবিধি

- (ক) বাংলাদেশ স্কাউটসের 'গঠন ও নিয়ম' ছাড়াও আঞ্চলিক স্কাউটসের নিজস্ব উপবিধি থাকবে। এ উপবিধি আঞ্চলিক কাউন্সিলের বার্ষিক সাধারণ সভায় গৃহীত ও জাতীয় সদর দফতর কর্তৃক অনুমোদিত হতে হবে। কোন অঞ্চল বা তার কোন অংগ সংগঠন 'গঠন ও নিয়ম' এর সঙ্গে অসংগতিপূর্ণ বিধি প্রণয়ন করতে পারবে না 'উক্তরূপ অসংগতিপূর্ণ বিধি প্রণীত হলে তা বাতিল বলে গণ্য হবে। উপবিধি প্রণয়নকালে

বাংলাদেশ স্কাউটস এর গঠন ও নিয়ম

গঠন ও নিয়মে উল্লেখিত বিধানসমূহের কোন প্রকার পরিবর্তন পরিবর্ধন, সংযোজন পরিমার্জন বা বিয়োজন করা যাবে না।

- (খ) বাংলাদেশ স্কাউটসের 'গঠন ও নিয়ম' 'বিধিবদ্ধ হবার ছ' মাসের মধ্যে অঞ্চল নিজস্ব উপবিধি প্রণয়ন করবে এবং তা জাতীয় সদর দফতরের অনুমোদনের জন্য দাখিল করতে হবে। জাতীয় সদর দফতর দাখিলকৃত উপবিধি যাচাই বাছাই করতঃ তিন মাসের মধ্যে সিদ্ধান্ত প্রদান করবে। জাতীয় সদর দফতরের অনুমোদন ব্যতীত অঞ্চলের উপবিধি বা এর অন্য বিধি পরিবর্তন, সংযোজন, সংশোধনী কার্যকর হবেনা। উপবিধি প্রণয়নকালে গঠন ও নিয়মে উল্লেখিত বিধানসমূহের কোন প্রকার পরিবর্তন, পরিবর্ধন, সংযোজন, পরিমার্জন বা বিয়োজন করা যাবে না।
- (গ) নির্ধারিত নিয়মানুসারে জাতীয় সদর দফতরে বার্ষিক স্কাউট পরিসংখ্যান ও মেম্বারশীপ ফি প্রদানের সঙ্গে নির্ধারিত বার্ষিক রেজিস্ট্রেশন ফি পরিশোধ করে অঞ্চলকে তার মঞ্জুরী নবায়ন করতে হবে।
- (ঘ) মঞ্জুরীপ্রাপ্ত অঞ্চলসমূহ বাংলাদেশ স্কাউটস প্রদত্ত সকল সুযোগ-সুবিধা ভোগ করবে।

প্রশাসনিক বিভাগ/মাধ্যমিক ও উচ্চ মাধ্যমিক

শিক্ষাবোর্ড ভিত্তিক অঞ্চল

৩৯। আঞ্চলিক কাউন্সিল

প্রত্যেক অঞ্চলের একটি কাউন্সিল থাকবে। এ কাউন্সিলের গঠন নিম্নরূপ হবে:

- ১) পৃষ্ঠপোষক
- ২) সভাপতি
- ৩) সহ-সভাপতি (অনধিক পাঁচ জন)
- ৪) আঞ্চলিক কমিশনার
- ৫) কোষাধ্যক্ষ
- ৬) আঞ্চলিক উপ-কমিশনার (অনধিক বার জন)
- ৭) সম্পাদক
- ৮) যুগ্ম-সম্পাদক

বাংলাদেশ স্কাউটস এর গঠন ও নিয়ম

- ৯) জেলা স্কাউটসের সম্পাদক ও কমিশনারগণ
- ১০) আঞ্চলিক নির্বাহী কমিটির সদস্যগণ
- ১১) উপ-পরিচালক, মাধ্যমিক ও উচ্চ শিক্ষা, স্ব স্ব অঞ্চল
- ১২) বিভাগীয় উপ-পরিচালক, প্রাথমিক শিক্ষা, স্ব স্ব বিভাগ
- ১৩) অঞ্চলের দায়িত্বপ্রাপ্ত বাংলাদেশ স্কাউটসের কর্মকর্তা
- ১৪) অঞ্চলের আওতাধীন লিডার ট্রেনারগণ (কাব ও স্কাউট শাখা)
- ১৫) জেলা শিক্ষা অফিসারগণ
- ১৬) জেলা প্রাথমিক শিক্ষা অফিসারগণ
- ১৭) প্রতি জেলার নির্বাহী কমিটি কর্তৃক মনোনীত একজন করে প্রতিনিধি।

৪০। কাউন্সিলের মেয়াদ ও সভা

- (ক) আঞ্চলিক স্কাউটস কাউন্সিলের কার্যকাল হবে নির্বাচনের তারিখ থেকে ৩ (তিন) বছর।
- (খ) আঞ্চলিক স্কাউটস কাউন্সিল বছরে একবার বার্ষিক সাধারণ সভায় মিলিত হবে।
- (গ) নির্বাহী কমিটির কার্যাবলীর খতিয়ান বার্ষিক প্রতিবেদন আকারে কাউন্সিল সভায় উপস্থাপন করতে হবে।
- (ঘ) কাউন্সিল প্রতি তিন বছর অন্তর একবার কাউন্সিলের ত্রৈ-বার্ষিক সাধারণ সভায় মিলিত হবে।
- (ঙ) অপরিহার্য কারণে তিন বছরের মধ্যে কাউন্সিলের ত্রৈ-বার্ষিক সাধারণ সভায় আয়োজন করা সম্ভব না হলে নির্বাহী কমিটির সভায় অনধিক ছয় মাস মেয়াদ বাড়ানো যাবে। তবে এ বিষয়ে জাতীয় সদর দফতরের পূর্বনুমতি গ্রহণ করতে হবে।

৪১। বার্ষিক সভা

- (ক) আঞ্চলিক কাউন্সিল বার্ষিক সাধারণ সভায় নিম্নবর্ণিত কার্যাবলী সম্পাদন করবেঃ
 - ১) নির্বাহী কমিটি কর্তৃক অনুমোদিত আঞ্চলিক স্কাউটস এর চলতি বছরের বাজেট ও বিগত বছরের আয়-ব্যয়ের হিসাব অবগতি এবং বার্ষিক কার্যাবলীর প্রতিবেদন ও তার আগের বছরের আয়-ব্যয়ের নিরীক্ষা প্রতিবেদন পর্যালোচনা ও অনুমোদন।
 - ২) বার্ষিক উন্নয়ন প্রকল্পসহ অন্যান্য কার্যসূচি অনুমোদন।

বাংলাদেশ স্কাউটস এর গঠন ও নিয়ম

- ৩) নিজস্ব উপবিধির কোন ধারা, উপধারা সংশোধন, পরিবর্তন, পরিবর্ধন ও সংযোজন সংক্রান্ত প্রস্তাব আলোচনা ও সে বিষয়ে সিদ্ধান্ত গ্রহণ।
- ৪) নির্বাহী কমিটি কর্তৃক উপস্থাপিত আলোচ্যসূচি সম্পর্কে সিদ্ধান্ত গ্রহণ।
- ৫) অডিটর নিয়োগ।

ত্রৈ-বার্ষিক সভা

- (খ) ত্রৈ-বার্ষিক সাধারণ সভা বার্ষিক সাধারণ সভার কার্যাবলী ছাড়াও নিম্নবর্ণিত কার্যাদি সম্পাদন করবেঃ
 - ১) নির্বাহী কমিটির সহ-সভাপতি, কোষাধ্যক্ষ, সম্পাদক, যুগ্ম-সম্পাদক, লিডার ট্রেনার প্রতিনিধি এবং দু'জন কাউন্সিলর প্রতিনিধি নির্বাচন;
 - ২) আঞ্চলিক কমিশনার নিয়োগের সুপারিশ;
- গ) বার্ষিক সভা ছাড়াও সভাপতির অনুমতিক্রমে কোন বিশেষ প্রয়োজনে কাউন্সিলর বিশেষ সভা ডাকা যাবে।
- ঘ) আঞ্চলিক কাউন্সিলর সভা, অনুষ্ঠানাদি, সদস্য পদের শূন্যতা ও তা পূরণ ইত্যাদি ব্যাপারে বাংলাদেশ স্কাউটসের জাতীয় পর্যায়ের বিধিমালা অনুসৃত হবে।

৪২। নির্বাহী কমিটি

নিম্নবর্ণিত পদ সমন্বয়ে আঞ্চলিক স্কাউটসের একটি নির্বাহী কমিটি থাকবেঃ

- ১) সভাপতি
- ২) সহ-সভাপতি (অনধিক ৫ জন)
- ৩) আঞ্চলিক কমিশনার
- ৪) কোষাধ্যক্ষ
- ৫) আঞ্চলিক উপ-কমিশনার (অনধিক বার জন)
- ৬) সম্পাদক
- ৭) যুগ্ম-সম্পাদক
- ৮) জেলা স্কাউট কমিশনারগণ
- ৯) উপ-পরিচালক, মাধ্যমিক ও উচ্চ শিক্ষা, স্ব স্ব অঞ্চল
- ১০) বিভাগীয় উপ-পরিচালক, প্রাথমিক শিক্ষা, স্ব স্ব বিভাগ
- ১১) অঞ্চলের দায়িত্বপ্রাপ্ত বাংলাদেশ স্কাউটসের কর্মকর্তা

বাংলাদেশ স্কাউটস এর গঠন ও নিয়ম

- ১২) লিডার ট্রেনারগণের মধ্য থেকে নির্বাচিত দু'জন প্রতিনিধি
- ১৩) অঞ্চলের অন্তর্গত জেলাগুলো থেকে আঞ্চলিক কাউন্সিল কর্তৃক নির্বাচিত দু'জন প্রতিনিধি
- ১৪) প্রয়োজনবোধে দু'জন সহযোজিত সদস্য
- ১৫) আঞ্চলিক কাউন্সিল কর্তৃক জাতীয় নির্বাহী কমিটিতে প্রেরিত প্রতিনিধি।
- ১৬) আঞ্চলিক স্কাউটস এর সীমানায় অবস্থিত বিভিন্ন রোভার স্কাউট ইউনিটের মধ্য থেকে সেবা স্তর যোগ্যতাসম্পন্ন এবং সিনিয়র রোভার মেট হিসাবে দায়িত্ব পালনরত কাবিং/স্কাউটিং এ পূর্ব অভিজ্ঞতা সম্পন্ন ১ জন ছেলে রোভার স্কাউট এবং ১ জন মেয়ে রোভার স্কাউট সর্বোচ্চ ১ (এক) বছরের জন্য আঞ্চলিক নির্বাহী কমিটির সদস্য হবে (এই সদস্য পদ পূরণের জন্য বাংলাদেশ স্কাউটস, রোভার অঞ্চল থেকে প্রাপ্ত তালিকার ভিত্তিতে সংশ্লিষ্ট অঞ্চল কর্তৃক ১ (এক) জন ছেলে রোভার স্কাউট এবং ১ (এক) জন মেয়ে রোভার স্কাউট মনোনয়ন চূড়ান্ত করা হবে)*।

৪৩। নির্বাহী কমিটির দায়িত্ব

আঞ্চলিক নির্বাহী কমিটির দায়িত্বের মধ্যে নিম্নলিখিত বিষয়গুলি অন্তর্ভুক্ত থাকবেঃ

- ১) স্কাউট আন্দোলনকে সম্প্রসারিত, উন্নীত ও জনপ্রিয় করা।
- ২) কার্যকলাপ, জনসংযোগ ও প্রচারের মাধ্যমে শিশু কিশোরদের স্কাউটিংয়ের প্রতি আকৃষ্ট করা।
- ৩) স্থানীয় প্রযুক্তি প্রয়োগ করে স্কাউটদের উদ্যোগে সমাজ সেবামূলক কাজ ও সমাজ উন্নয়ন প্রকল্প বাস্তবায়ন করা।
- ৪) স্কাউটিংয়ে আগ্রহী ব্যক্তিবর্গকে প্রশিক্ষণ দিয়ে নেতৃত্ব গ্রহণে উৎসাহিত করা।
- ৫) সিলেবাস অনুযায়ী স্কাউটদের প্রশিক্ষণ পরিচালনা নিশ্চিত করা।
- ৬) বাংলাদেশ স্কাউটসের প্রাপ্য রেজিস্ট্রেশন ফি নির্ধারিত সময়ে পরিশোধ করা।
- ৭) এলাকাস্থ স্কাউট সদস্যদের রেকর্ড রাখা।
- ৮) আইন লংঘনকারী স্কাউট বা স্কাউটারের বিরুদ্ধে বাংলাদেশ স্কাউটসের অনুমোদন অথবা নির্দেশ অনুসারে প্রয়োজনীয় ব্যবস্থা গ্রহণ করা।
- ৯) সনদপত্র, ডেকোরেশন অ্যাওয়ার্ড প্রদানের সুপারিশ করা।

বাংলাদেশ স্কাউটস এর গঠন ও নিয়ম

- ১০) স্কাউট ব্যাজ, বই প্রভৃতি সরবরাহের ব্যবস্থা করা।
- ১১) আঞ্চলিক কাউন্সিলের বার্ষিক/ত্রৈ-বার্ষিক সভার স্থান, তারিখ, সময় ও আলোচ্যসূচি নির্ধারণ করা।
- ১২) আঞ্চলিক কাউন্সিল কর্তৃক গৃহীত সিদ্ধান্ত বাস্তবায়ন করা।
- ১৩) স্কাউট আন্দোলনের উন্নয়নে উপজেলা/থানা ও জেলা স্কাউটসের তলিকাভুক্ত শাখাসমূহের মধ্যে সমঝোতা বৃদ্ধির চেষ্টা করা।
- ১৪) আঞ্চলিক স্কাউটসের বার্ষিক র্যালী ও অন্যান্য সমাবেশের আয়োজন করা।
- ১৫) স্কাউটসের জাতীয় ও আন্তর্জাতিক সমাবেশ, সেমিনার, র্যালী, জামুরী ইত্যাদি অনুষ্ঠানে যোগদানের জন্য নিজ অঞ্চলের প্রতিনিধি মনোনয়ন করা।
- ১৬) জাতীয় কাউন্সিল ও স্কাউটারদের সম্মেলনাদির জন্য নির্ধারিত সংখ্যক প্রতিনিধি মনোনীত করা।
- ১৭) বার্ষিক আয়-ব্যয়ের বাজেট পেশ করা।
- ১৮) সময় সময় আয়-ব্যয়ের হিসাব পরীক্ষা করা এবং বিগত বছরের কার্যবিবরণী ও আয়-ব্যয়ের হিসাব পরীক্ষা করা এবং বিগত বছরের কার্যবিবরণী ও আয়-ব্যয়ের নিরীক্ষিত হিসাব কাউন্সিল সভায় পেশ করা।
- ১৯) তহবিল বৃদ্ধির জন্য উৎস ও পন্থা উদ্ভাবন এবং নীতি নির্ধারণ করা।
- ২০) 'গঠন ও নিয়ম' এবং নিজস্ব উপবিধি অনুসারে অন্যান্য দায়িত্ব পালন করা।
- ২১) জেলা, উপজেলা / থানা ও ইউনিটের স্কাউটের স্কাউট কার্যক্রম সুষ্ঠুভাবে পরিচালনার লক্ষ্যে নিয়মিত পরিদর্শন কার্যক্রম নিশ্চিত করা এবং জবাবদিহিতা কার্যকর করা।

৪৪। পৃষ্ঠপোষক

বিভাগীয় কমিশনার পদাধিকার বলে পৃষ্ঠপোষক হবেন।

৪৫। সভাপতি

সংশ্লিষ্ট মাধ্যমিক ও উচ্চ মাধ্যমিক শিক্ষা বোর্ডের চেয়ারম্যান পদাধিকার বলে সভাপতি হবেন। তিনি আঞ্চলিক কাউন্সিল ও নির্বাহী কমিটির সকল সভায় সভাপতিত্ব করবেন।

বাংলাদেশ স্কাউটস এর গঠন ও নিয়ম

৪৬। সহ-সভাপতি

আঞ্চলিক স্কাউটসের অনধিক পাঁচ জন সহ-সভাপতি থাকবেন। তিনি/তারা ত্রৈ-বার্ষিক সাধারণ সভায় নির্বাচিত হবেন। সভাপতির অনুপস্থিতিতে জ্যেষ্ঠতার ভিত্তিতে সহ-সভাপতি সভাপতির দায়িত্ব পালন করবেন।

৪৭। আঞ্চলিক কমিশনার

(ক) আঞ্চলিক কমিশনার আঞ্চলিক কাউন্সিলের ত্রৈ-বার্ষিক সাধারণ সভার সুপারিশক্রমে চীফ স্কাউট ও প্রধান জাতীয় কমিশনারের স্বাক্ষরিত সনদপত্রের মাধ্যমে তিন বছরের জন্য নিয়োজিত হবেন। তাঁকে সংশ্লিষ্ট অঞ্চলে কার্যরত অথবা সেখানকার বসবাসকারী হতে হবে।

(খ) তিনি তাঁর কার্যাবলীর জন্য প্রধান জাতীয় কমিশনারের নিকট দায়ী থাকবেন।

(গ) আঞ্চলিক কমিশনারের দায়িত্ব হবে নিম্নরূপ :

- ১) আঞ্চলিক সংগঠনের উন্নয়ন এবং আঞ্চলিক কাউন্সিলকে কর্মচঞ্চল ও কার্যকর রাখা।
- ২) সভাপতির সঙ্গে আলোচনা করে কাউন্সিল সভার আলোচ্যসূচি, স্থান, তারিখ ও সময় নির্ধারণ।
- ৩) আঞ্চলিক স্কাউটসের তহবিল ও সম্পত্তির হেফাজত, কর্মচারী নিয়োগ, নিয়ন্ত্রণ ও তাদের অবসর গ্রহণ সংক্রান্ত বিষয় সম্পাদন।
- ৪) সনদপত্র দ্বারা যোগ্যতাসম্পন্ন ব্যক্তিদের আঞ্চলিক উপ-কমিশনার পদে নিয়োগের ব্যবস্থা এবং তাঁদের অবসর গ্রহণ সংক্রান্ত বিষয় সম্পাদনা।
- ৫) আঞ্চলিক উপ-কমিশনারের কোন পদ শূন্য হলে তা পূরণের ব্যবস্থা গ্রহণ।
- ৬) স্কাউট ও স্কাউটারদের অ্যাওয়ার্ড, প্রেসিডেন্টস স্কাউট অ্যাওয়ার্ড এবং শাপলা কাব অ্যাওয়ার্ড প্রদানের বিষয়ে প্রয়োজনীয় ব্যবস্থা গ্রহণ।
- ৭) সভাপতি ও সহ-সভাপতির অনুপস্থিতিতে কাউন্সিল ও নির্বাহী কমিটির সভায় সভাপতির দায়িত্ব পালন।
- (ঘ) আঞ্চলিক কমিশনার কোন বিষয়ে আঞ্চলিক কাউন্সিল বা নির্বাহী কমিটির সঙ্গে একমত না হলে সিদ্ধান্ত গ্রহণের জন্য প্রধান জাতীয় কমিশনারের নিকট বিষয়টি উত্থাপন করতে হবে। এ ব্যাপারে তাঁর সিদ্ধান্তই চূড়ান্ত বলে বিবেচিত হবে।

বাংলাদেশ স্কাউটস এর গঠন ও নিয়ম

৪৮। কোষাধ্যক্ষ

- কোষাধ্যক্ষ কাউন্সিলের ত্রৈ-বার্ষিক সাধারণ সভায় নির্বাচিত হবেন এবং তিনি,
- ১) সংগঠনের নামে প্রাপ্ত সকল টাকা পয়সা গ্রহণ করবেন এবং আয়-ব্যয়ের হিসাব যথাযথভাবে রক্ষণাবেক্ষণের নিশ্চয়তা বিধান করবেন;
 - ২) সম্পাদকের সহায়তায় বার্ষিক বাজেট প্রণয়ন ও উপস্থাপন করবেন;
 - ৩) নির্বাহী কমিটির অনুমোদনক্রমে অথবা নির্বাহী কমিটির অনুমোদন সাপেক্ষে আঞ্চলিক কমিশনারের লিখিত অনুমতিক্রমে বাজেট বহির্ভূত খরচের বিল মঞ্জুর করতে পারবেন;
 - ৪) তহবিলের অবস্থা সম্পর্কে আঞ্চলিক কমিশনার ও নির্বাহী কমিটিকে নিয়মিত অবহিত রাখবেন;
 - ৫) সংগঠনের আয়-ব্যয়ের নিরীক্ষিত হিসাব নির্বাহী কমিটির অনুমোদনসহ বার্ষিক কাউন্সিল সভায় পেশ করবেন;

৪৯। আঞ্চলিক উপ-কমিশনার

আঞ্চলিক কমিশনারের কার্যাবলী সম্পাদনে সহায়তা করার জন্য বিভিন্ন বিষয়ে তাঁর সুপারিশক্রমে তাঁর নিজের ও প্রধান জাতীয় কমিশনারের স্বাক্ষরিত সনদপত্রের মাধ্যমে স্কাউটিংয়ে অভিজ্ঞ ব্যক্তিদের মধ্য থেকে অনধিক বার জন আঞ্চলিক উপ-কমিশনার নিয়োগ করা যাবে। তাঁরা তাঁদের কার্যাবলীর জন্য আঞ্চলিক কমিশনারের নিকট দায়ী থাকবেন।

৫০। সম্পাদক

- (ক) সম্পাদক কাউন্সিলের ত্রৈ-বার্ষিক সাধারণ সভায় তিন বছরের জন্য নির্বাচিত হবেন।
- (খ) তিনি প্রশাসনিক কাজসহ সকল কাজের জন্য আঞ্চলিক কমিশনারের নিকট দায়ী থাকবেন।
- (গ) সম্পাদকের দায়িত্ব নিম্নরূপ হবেঃ
 - ১) সভাপতি ও আঞ্চলিক কমিশনারের নির্দেশে কাউন্সিল ও নির্বাহী কমিটির সভার নোটিশ প্রেরণ, সভার কার্যবিবরণী লিখন, সংরক্ষণ ও সভার সিদ্ধান্ত বাস্তবায়ন;
 - ২) সংগঠনের স্থাবর-অস্থাবর সম্পত্তি ও দলিলপত্র সংরক্ষণ;

বাংলাদেশ স্কাউটস এর গঠন ও নিয়ম

- ৩) উপজেলা/থানা, জেলা থেকে প্রাপ্ত গ্রুপ/ইউনিট রেজিস্ট্রেশন চার্টার ও সনদ বিতরণের ব্যবস্থা ও তৎসংক্রান্ত রেকর্ড সংরক্ষণ;
- ৪) সংগঠনের আয়-ব্যয়ের হিসাব সংরক্ষণ;
- ৫) উপজেলা/থানা, জেলা থেকে বার্ষিক মেম্বারশীপ ফি, রেজিস্ট্রেশন ফি, কার্যবিবরণী ও স্কাউট পরিসংখ্যান সংগ্রহ এবং তার বিবরণ প্রস্তুত করে যথাসময়ে জাতীয় সদর দফতরে প্রেরণ;
- ৬) নির্ধারিত ফরমে জেলা থেকে প্রাপ্ত স্কাউট/স্কাউটারদের ডেকোরেশন ও অ্যাওয়ার্ডের সুপারিশপত্র যথাসময়ে জাতীয় সদর দফতরে প্রেরণ;
- ৭) সম্পাদক নিজে বা তাঁর মনোনীত প্রতিনিধির মাধ্যমে জেলা এবং উপজেলা/থানার সকল স্কাউট কার্যক্রম নিয়মিত পরিদর্শনের ব্যবস্থা করা।

৫১। যুগ্ম-সম্পাদক

- (ক) যুগ্ম-সম্পাদক কাউন্সিলের ত্রৈ-বার্ষিক সাধারণ সভায় তিন বছরের জন্য নির্বাচিত হবেন।
- (খ) তিনি প্রশাসনিক কাজসহ সকল কাজের জন্য সম্পাদকের নিকট দায়ী থাকবেন।
- (গ) যুগ্ম-সম্পাদকের দায়িত্ব নিম্নরূপ হবেঃ
 - ১) সম্পাদককে সকল কাজে সাহায্য এবং সহযোগিতা করা।
 - ২) সম্পাদক কর্তৃক ন্যস্ত দায়িত্ব পালন।
 - ৩) সম্পাদকের অনুপস্থিতিতে সম্পাদকের যাবতীয় দায়-দায়িত্ব পালন।

৫২। তহবিল

- (ক) আঞ্চলিক স্কাউটসের ব্যয় সংকুলানের জন্য অর্থ স্থানীয়ভাবে সংগ্রহ করতে হবে। চাঁদা ও অনুদান রশিদ দিয়ে নিতে হবে।
- (খ) আঞ্চলিক স্কাউটসের তহবিলে প্রদত্ত ও আদায়কৃত সমুদয় অর্থ জমা রাখার জন্য ব্যাংকে হিসাব খুলতে হবে। কোষাধ্যক্ষ ও নির্বাহী কমিটি কর্তৃক মনোনীত একজন সদস্যের যৌথ স্বাক্ষরে এ হিসাব পরিচালিত হবে।